



權知國事大破契丹復謹脩貢且乞降尊號頒正朔又求封冊眞宗皇帝初欲俯從議者難之遂寢止從班詔而已天聖中使人屢與女眞借來貢方物天子加恩報禮優異後詢卒子隆立優柔不斷政荒力屈憚於北境遂復臣事之而貢使又絕隆卒私諡曰正子德王欽欽弟穆王亨皆朝貢不通而朝廷亦罷遣使亨弟徽熙寧四年以權知國事復脩方貢七年九年使人荐至神宗皇帝嘉其忠蓋元豐元年命左諫議大夫安燾爲國信使起居舍人陳睦副之自明州定海絕洋而往時徽病

高麗圖經卷二

二知不足齋叢書


尸渾僅能拜命且乞醫藥上覽其奏從之三年四年遣使來朝六年徽卒立凡三十八年諡曰文世子勳立百日卒弟國原公運立命左諫議大夫楊景略爲祭奠使禮賓使王舜封副之右諫議大夫錢勰爲弔慰使西上閤門副使朱球副之七年七月自密之板橋航海而往八年哲宗皇帝踐祚使來奉慰又遣使來賀運立四年卒諡曰宣子堯立未閱歲而以病廢國人乃請其叔熙攝政未幾而堯卒諡曰懷熙乃奠位自元祐五年至元符元年貢使再至三年遣使綏撫遵元豐故事也皇帝

嗣位遙追來孝丕承先烈薄海內外無不臣妾德被藩服恩行海隅迺者崇寧元年命戶部侍郎劉達給事中吳拭持節往使禮物豐腆恩綸昭回所以加惠麗國而褒寵鎮撫之以繼神考之志益大而隆二年五月由明州道梅岑絕洋而往時熙避契丹嫌名改熙曰顯然自神考有作務來遠人天相睿謨王徽襲爵以承其旨始非偶然徽忠順循理知尊中國館待使華禮意勤厚至遇賈人亦有體貌治尚仁恕享國久長宜矣崇寧二年顯卒年五十世子俱立自長興三年壬辰迄今宣和六年甲辰王氏有國九世凡十七人合一百九十三年云

高麗圖經卷二

三知不足齋叢書

世系



高麗國王王楷

楷王侯世子也王寅春三月侯病革召李資謙入議嗣事夏四月侯薨資謙等乃立楷爲王楷眉宇踈秀形短而貌豐肉勝於骨性慧多學亦甚嚴明在春宮時官屬有過必遭譴辱旣立雖幼冲國官頗畏憚之廼者信使至彼受詔拜表行燕饗禮升降進退綽有成人之風亦當爲東夷之賢王也

宣和奉使高麗圖經卷第二

高麗圖經卷二